

BRITISH MUSEUM

IN PATZINBERG

H D R

...
Lapides torrentes

... sequit

... Dne qd hē a

... apertus et the

... Dñe in

... saluti tuo

... *Scdm math.*

... et pu

... et ego mit

... prophetas et sapien

... et ceteris et ceteris

1562



Vgl. Delle

Pon QK

(Zol 5072)

h.

19
Bründtliche vnd war-

hafftige Bericht / von dem Erschreck-
lichen vnd Wunderbarlichen Zeichen /

welches am Himmeln am Donnerstage nach Inuocavit des LXI.

Jahrs / zwischen Eisleben vnd Mansfeld / auff den

Abend mit der Sonnen vndergang / zwischen v.


vnd vi. vhr / von vielen Personen gesehen ist

worden. An einen guten Freund zu

Nürnbergt geschrieben /

vnd mit geteilt

let.



Dem Erbaren vnd Vorsichtigen/

Marxen Biching/ jzt zu Nürnberg/ meinen
insondern Herren freund vnd
Patronen.

Bottes gnade/ mit wünschung allem guten zuvor/ Freund-
licher/ groszgünstiger lieber Freund vnd Patron Marx/
Wierwol ich in Kürze zwey ewer schreiben habe entpfan-
gen/ aber auff derer keines geantwort/ Die ursach aber
ist die gewesen/ Zum Ersten/ das ich nichts Neues gewusst habe/
das ich E. G. hette können zuschreiben. Zum andern/ so werden
selten allhie Boten gefunden/ die zu euch hinan reiseten/ vnd denen
weg herwider kernen/ ist derhalben bis hie her mein schreiben vnder-
blieben. Nach dem mir aber den x. tag des Mertzten von einem
guten Freund/ warhafftige Neue erschreckliche Zeitung sind mit-
geteilet worden: Nemlich eines Gesichts oder Zeichens/ welchs
sich zwischen Eysleben vnd Mansfelt/ den Donnerstagnach In-
uocavit vmb v. vnd vj. vhr hat zugetragen/ do die Sonne hat wol-
len vntergehen/ Habe ich solchs (von wegen vnserer freundschaft)
nicht können vnterlassen/ E. G. auch mit zuteilen: Damit jr weiter
solches erschreckliches Zeichen (welchs vns der trewe Gott nun
zum andern mal inn diesem Neuen Jahre gewiesen) auch ferner
ewern guten Freunden vnd bekandten können darthun vnd zeigen.
Auff das wir also all zugleich sehen möchten/ das furwar kein
scherz sey/ mit den Zeichen die bisher ergangen/ sondern/ das sie ge-
wis anzeigen den grossen zorn Gottes/ vber vnser Sündlichs leben/
vnd das der trewe Gott solche on allen verzug straffen wil. Gott
der **HERRE** gebe seine gnade/ das wir es erkennen/ Busse thun/
vnd der grossen Straffen entpflieden mögen/ Amen. Bitte E. G.
wollen solches zum besten auffnemen/ vnd mich euch befohlen las-
sen sein. Hiemit Gott in seine gnade befohlen. Datum Weimar/
den 12. Martij/ des 61. Jars.

E. W. M. S.
J. W. M. S.



2

Es erschrecklichs Gesicht ist gesehen worden den xxvff. tag Februarij/welches ist gewesen der Donnerstag nach Inuocavit dis 61. Jars/ zwischen v. vnd vj. vhren/ mit der Sonen vndergang/ zwischen Eisleben vnd Mansfeld/ von vielen ehrlichen vnd warhafftigen personen: Als nemlichen von dem Amptschreiber Jobsten Woerman genant zu Elbingenrode/ Item von Heinrich von Hagen/vnd Joachim Bintel daselbst wonhafftig. Erstlichen sind gesehen worden/ zwei Ascherfarbe Seulen/ gleich wie die Seulen genent Columnæ Herculis/ darauff man das Plus vltro schreibet. Aus denselben Seulen ist ein schwarzer dampff gangen/ wie ein grosser rauch/ Vnd neben solchen Seulen ist eine Ruthen/ mit grünen banden gebunden gestanden. Die Seulen neben den Ruthen haben vngeserlichen ein viertel stund sich sehen lassen/ Darnechst die Sonne vnd Crucifix ist eine kurze zeit vngeserlichen bey x. minuten lang gesehen worden/ mit dem Heubt gar erbermlichen geneiget.

Erklerung vnd Warnung dieses Zeichens.

Es ist nun das ander zeichen dieses 61. Jars/ welches wir hie herumb gesehen worden/ Aber warlichen wie mans spüret/ mit geringem ernst/ Dann gar wenig lassens inen ein Warnung sein/ das sie anfiengen vnd jr Leben besserten/vnd betrachten recht die erschrecklichen zeichen/ Man schreibet oder singet darvon/ wie man wil/ Man malet vnd erkleret den zorn Gottes so hefftig man immer kan/ aber die Herzen sind alle zu Adamant worden/ da wil kein predigen/ kein trewes vermanen nicht helffen/ vnd sind also mehrer teil Menschen so elende vorderbte Leute/ das/ Gott thu vns wol oder vbel/ erzüchtige vns/ oder gebe vns gute wort/ er vermane vns zur Busse/ mit zeichen vnd predigten/ so ist es doch bald vergessen/ Wennes new ist/ wils iderman wissen vnd sehen/ wie denn der Welt art/ das sie gern höret vnd gasset nach dem/ was selzam vnd vnerhört ist/ So bald

2 ij aber

Aber das nun gnugsam an tag kommen / ist nicht anders / als hette
sie eine Gans angepiffen (wie man dann im deutschen Sprich-
wort pfleget zu sagen) so ein schendlich ding ist es vmb des Mens-
schen Hertz / das es so gar vergessen vnd vnachtsam ist. Darumb
der trewe Gott verursacht wird / das er on vnterlas Newe Wun-
derzeichen vnd Straffen gehen mus lassen / sollen wir anders für
seinem zorn vns recht hüten / vnd der grossen vnaussprechlichen
wolthat eingedenck sein / die er dem ganzen Menschlichen Ges-
schlecht bewiesen hat. Es ist aber wol zubeweinen / vnd hertz-
lichen daruber zu Flagen / das vnser verstockte Herzen / solche
Zeichen nicht wollen annemen / vnd ein ander Leben darnach anz-
fahen. Lieber wer spüret oder vermerckt / das einer des schreck-
lichen Feuerzeichen / welches auff den tag der Vnschuldigen
Kindelein dieses Jars gesehen ist worden / recht hett zu hertzen ge-
nommen. Ja es waren noch Spötter vnd Vorechter furhanden /
lose / rohe / freche Leut / die durfften solches für kein Zeichen halten /
sondern sagten / Was soles sein? Wann ein wenig Wolcken sich
am Himmel vorendern / so meinet man es sind Zeichen / Es ist viel
leicht eine grosse brunst sehr weit von dannen / die macht das Feuer
mal / Vnd sonst andere vngeschaffene reden. Aber sihe du zu / der du
Gottes Zeichen so gering achtest / vnd inn wind schlegst / das es deis-
nen eigen Kopff nicht betreffe. Furwar das ist eigentlich vnd ges-
wis / das Gott der **Z L R R** etwas Neues vnd vns verborgen
thun wird / wie dann solches die Heilige Schrifft genug erkleret /
das wann Gott etwas wunderbarlichs vnd selzam hat thun wol-
len / hat er die Zeichen lassen for her gehen: Als da er Egypten
straffen / vnd sein Volck daraus füren wolt / vnd im ein sonderlich
Volck daraus machen / da giengen allerley herrliche Zeichen zu-
vor / gut vnd böß / dann die Frösche / Hereschrecken / Hagel / Ges-
schwer vnd dergleichen / wie man denn im Andern Buch Mosi
lisset / die theten den Egyptern grosse plage / ja tödten irer viel / bis
das er auch entlichen die Erste Geburt inn einer Nacht erwürgete /
vnd das ander Volck im Roten Meer ersenffte. Solche vnd
dergleichen Exempel findet man genug in der Schrifft / Aber du /
der

der du wilt ein Christ sein / nim deine Biblia fur dich / such inen
 nach / betrachte sie mit seuffzendem Herzen / vnd richte dein Leben
 anders an / wiltu anders dem grossen zorn Gottes entfallen / der
 jzt furhanden ist / vnd albereit anhebet mit gewalt herein zubrech
 en / Was fromme Christen sind / die fürchten sich / vnd erschrecken
 fur solchen zeichen / denn sie nemen die Warnung mit den zeichen
 an. Die Gottlosen aber / ob sie solche gleich sehen / lassen sie fur
 uber passieren / denn sie dencken / der zeichen sind zuvor auch viel
 geschehen / vnd ist dennoch kein Jüngster tag kommen. Nun so
 fabr auch hin / er wird dir also bald kommen / do du dann fur dem
 höchsten Richter keine entschuldigung wirst können fürwenden /
 dann er dich genugsam mit zeichen / schreiben / vnd predigen ge
 warnet hat / Aber du als ein Spötter vnd Vorechter / hast seine
 warnung nicht angenommen / die Predigt / sein Wort vnd zeichen
 verachtet / in Fressen / Sauffen / vnd in allen wollüsten gelebt / da
 wirstu dann auch entlichen deinen Lohn empfangen / vnd deinen tag
 der verdammus vnd trawrigkeiten innen werden / Das ist genug
 von der Warnunge.

WAS aber die Bedeutung vnd Geheimnis eigentlich dieses Zei
 chen anbelanget / ist on allen zweiffel mir vnd allen verbors
 gen / aber allein Gott bewust. Es mag aber einer also / der ander
 auff ein ander art seine Deutung daranff haben / stehet jederman
 frey. Ich gleube / wenn man solches Geistlichen wolt deuten /
 solte es fast hieher können gezogen werden / Nach dem bisher an
 vielen Orten grosse spaltung der Lehr ist eingerissen / vnd sich zu
 solcher spaltungen grosse zeupter geneiget / möchten die zwo Seu
 len bedeuten zwoey Weltliche zeupter / welche den **HERREN**
 Christum (wie er dann fur den Seulen gebiget stehet) wol auff
 eine zeit bey jnen gehabt / aber durch falsche Lehr vnd Secten / sey
 er fast bey jnen verdunckelt / denn er am Creutz sehr erbermlichen
 gestanden hat / vnd sich nidervarts gebogen / anzusehen / als wolte
 die reine Lehr von dem Sone Gottes gar verleschen / vnd weg
 wandern / wie dann solches mit vndergang der Sonnen geschehen.

Explic

Juden

1

2

A iij Auch



3 Auch der Besen mag bedeuten die erste straff Gottes vber die
Sünde/ das sie den Son Gottes nicht inn reinem erkentnis behal-
ten haben/ darumb die zwo Seulen lezlichen geraucht/ als solte
die straff/ wo sie nicht Busse theten/ vber die Weltlichen obges-
nanten Heupter gehen/ vnd die Seulen gar austilgen/ Mag es
also verstanden werden/ das die zwo Ascherfarbe Seulen bedeu-
ten die zween grausame Feinde/ als do ist der Muscoviter vnd der
Türck/ einer auff dieser seiten/ der ander auff der andern/ welche
mit aller gewalt herein fallen/ vnd vnser Straffe sein sollen/ dieweil
Gottes Wort bey vns so gar inn verachtung kömpt/ ja wir schier
gar nichts mehr darnach fragen/ sondern sein vberdrüssig worden/
Darumb es auch mit nidergebogen Creutze stehet/ vnd mit vnder-
gang der Sonnen geschicht. Darzu so sind Besen vor auch
offt am Himmel gesehen worden/ Aber nach solchen ist gemeinig-
lich gefolget/ Blutuergiessen/ Krieg/ Pestilenz/ Thewerzeit/
vnd ander harte Straffe mehr/ das also vns der liebe Gott wird
weidlichen dabey suchen/ von wegen vnser vndanckbarkeit/ wo
wir nicht mit dem Gebet vnd der Busse werden fürkommen/ Dar-
umb auch die Seulen rauchen/ Welches mag bedeuten/ das diese
zween Feinde mit brennen vnd vorheren die Länder vorzeren wer-
den. Idoch dieweil das Crucifix mit dem Kopff gewincket
hat/ Mag bedeuten/ ob wol etliche fromme Christen mit den
Gottlosen werden verfolget werden/ vnd irer entgelten/ so sollen
sie doch inn der Verfolgung vnd Straff von irem trewen Gott vnd
Vater nicht abfallen/ Sondern sich an den **HERRN** Chris-
tum vnd an sein Götlichs wort halten/ so wil er bey jnen sein biss
an das ende der Welt/ vnd sie nicht verlassen/ denn er weis die sei-
nen wol/ ob sie gleich vormenget/ vnd vnter der Gottlosen schar
müssen sitzen vnd wonen/ wie der fromme Lot mitten vnder den
Gottlosen zu Sodoma vnd Gomorra wonete/ Idoch da er sich
an seine verheissung vnd Gottes zusage hielte/ da kamen zween
Engel/ vnd fuhrten in zur Stadt hinaus/ Ohn zweiffel ist es
jnen auch ein schrecklicher augenblick gewesen/ das hinder jnen ges-
donnert vnd geblitz hat/ vnd sich der Himmel auffgethan/ Schwes-
fel vnd

4
fel vnd Bech gereget / vnd also die Gottlosen haben müssen zu
grundt gehen / vnd wird sich gewislichen darüber entsatzt haben /
Aber er hat wol gewust / das solches inen nicht gelte / sondern den
bösen Buben den Sodomitern. Darumb so haben die Christen
widerumb einen trost / ob sie gleich solche erschreckliche Zeichen
sehen / so wissen sie / das es doch inen nicht gilt / sondern den Gottlo-
sen / vnd sie dardurch der frölichen zukunfft Christi erinnert werden /
do jr ewige freude vnd wonne wird angehen / zu welcher vns dann
wolt helffen Gott Vater / Gott der Son / vnd Gott der heilige
Geist / Amen.

Diese vnd dergleichen Deutung sage ich nicht vor gewis /
sondern ein Christ mag es also / der ander auff ein ander art deu-
ten / nach eines jeden sinnreichen verstandt / auffs beste erkän. Bes-
wissers aber ist nicht / denn das es eine vnvorzügliche Straffe be-
deutet. Gott der **HERR** gebe vns seine gnade / das wir
solches von hertzen mögen erkennen / vnd vnser leben
darnach bessern / vnd der frölichen zukunfft
Christi mit frieden gewertig sein.
A M E N.



Faint, illegible text in a Gothic script, likely bleed-through from the reverse side of the page.

Second block of faint, illegible text in a Gothic script, also appearing to be bleed-through.

105 50




1. v̄ christlich ablagere m. Ranzelbergers.
Andreas Pösch.
7. Historia Thoma Crannieri.
antwort auf ein frage Q. Andreas Musculus.
4. Der ganze Jüdische Glaube.
Die Lüneburgerischen Arri bell.
Wargischen Wabey man die falschen propheten vna
kerer erkennen mag. Anthonius 1650.
Bericht von Antinomern Anthonius 1650.
5. Neuzeitung von einer Jungfrau zu Freiburg. Welling.
9. vom Wunderzeichen am Himmel zwischen Eisleb Q.
10. Von einer Besessenen Jungfrauen Q.
11. vom Reitzgeitzigen am Himmel Q. 15 51
12. Grewige Neuzeitung vom Mosabiter.
13. Historia oder bericht wie die witten zu Hispanien von
folge vna verbrant sind vna v̄ glaubes wille.
14. Neuzeitung vom ablagere des thylken.
15. Neue frung von Wras Genia.
16. Gesichte zu Holzhausen n̄ v̄ Wapferburg gesehen.

AB 48462



Sb.



19

Bründliche vnd war-
hafftige Bericht / von dem Erschreck-
lichen vnd Wunderbarlichen Zeichen /
welches am Zimel am Donnerstage nach Inuocant des LXI.
Jahrs / zwischen Eisleben vnd Mansfelt / auff den
Abend mit der Sonnen vndergang / zwischen v.
vnd vi. vhr / von vielen Personen gesehen ist
worden. An einen guten Freund zu
Nürnbergt geschrieben /
vnd mit geteis
let.

